



阿媽个燠油

在做細子个時務，序大人攞去田做事，偌即得阿媽渡。暗夜時嘛和阿公阿媽作埤睡。睭著阿媽个櫃頭攞园著一罐細細罐，用紙塞在罐仔空个油罐。實在得偌真想討知這到底係麼个物件？逐日晨早會睭著阿媽起來梳頭那毛，著面梳，著面用手指頭抹返罐油枷頭那毛抹抹个。抹油了後，阿媽个頭那毛即變做金金兼烏烏。做細子个偌即真好奇，提油起來鼻鼻个，感覺香香，有一款特別个香味。

寒天時，阿媽會用大鑊煨燒水，用桶仔攞到頭前坪，漕落大腳盆內底，提好佢个梳和面帕，在日頭光下洗頭。阿媽个頭那毛全然个長，長到腰，毋知留有幾多年啊。在寒天个時，阿媽即真享受有日頭花个時務，慢慢枷佢个頭那毛洗得佢淨淨。好了後，用返支跔佢多年个梳，枷頭那毛款款梳得佢好勢。攞來提來早即準備好勢个瓷罐和鐵罐，枷樵枝一支支园在鐵罐內底排好，攞來用一坭打好空个鐵片园在瓷罐和鐵罐个中央，枷兩個罐口對口合起來，用一兜溼泥對接縫封起來。枷瓷罐埋在泥下，剩鐵罐留在面上。提一拿禾稈起火頭，火著了後，用斜箕抔一兜粗糠潑在火面上，得佢慢慢子著，一緣一緣潑起去，火愛顧四點外鐘。落後即园到韶日天光，等到火么去，正用鉛筆枷火牙撥開，款款枷罐糴起來。這即係阿媽用心燠个燠油。

阿媽返罐燠油用途嘛真多，細子食肚膨風，用一兜抹在腹臍。得火燒著，嘛攔緊走入去房間，提櫃頭返罐燠油抹抹个。阿媽雖然儉儉用，毋過總會用了。有一日睭阿媽對眠床下拖一塊樟樹頭出來，用刀嘛枷佢破做一條一條細細支个樵枝。攞來提來早即準備好勢个瓷罐和鐵罐，枷樵枝一支支园在鐵罐內底排好，攞來用一坭打好空个鐵片园在瓷罐和鐵罐个中央，枷兩個罐口對口合起來，用一兜溼泥對接縫封起來。枷瓷罐埋在泥下，剩鐵罐留在面上。提一拿禾稈起火頭，火著了後，用斜箕抔一兜粗糠潑在火面上，得佢慢慢子著，一緣一緣潑起去，火愛顧四點外鐘。落後即园到韶日天光，等到火么去，正用鉛筆枷火牙撥開，款款枷罐糴起來。這即係阿媽用心燠个燠油。

恁多年過去啊，偌嘛真久毋識攞睭著燠油啊。對老輩來講，燠油即係普通時頭好个保養品兼臨時好用个藥，跔佢人一世。到今有時務，偌若像有鼻著返香香个香味，想著成過阿媽做个燠油！想著成過阿媽在燠燠油，偌跔在邊睭个時。

作者：李秉璋

☆詞彙學習☆

【燠油】hiam^ˋ rhiu^ˋ：以前老人家頭髮的保養油兼日常生活燒燙傷的用藥，因為是用樟樹及花生油埋在地下慢慢悶燠而成，故曰燠油。

【渡】tu^ˋ：帶、照顧。

【櫃頭】kui teu^ˋ：櫃子上面。

【煨】nung^ˋ：煮、燒。

【漕】coo：倒。

【燒著】lu choo：燒到、燙到。

【禾稈】bboo^ˋ gan^ˋ：稻草。

【起火頭】ki^ˋ foo^ˋ teu^ˋ：點火。燃燒東西時，先用較容易點燃的乾草或稻草、豆藤等起火，然後將整堆物品點燃。

【一緣一緣】rhid^ˋ rhen^ˋ rhid^ˋ rhen^ˋ：一層一層。在此指將粗糠一層一層慢慢的加上火堆上。

【鉛筆】rhen^ˋ bid^ˋ：圓鋤。此處特別指圓鋤而言，非指文具之鉛筆。

【火牙】foo^ˋ nga^ˋ：火堆尚未完全燒完，最後整枝為火的柴火。完全燃燒完者是為「火灰」。